



夢山揚公存家詩稿序



觀光昔與河朔魏允中同

為郎允中善稱詩教擊節

誦公晉中詩如燈前梳白

髮馬上夢青山思沈而致

遠非唐人不能道觀光心

夢山揚公存家詩稿序



觀光昔與河朔魏允中同

為郎允中善稱詩教擊節

誦公晉中詩如燈前梳白

髮馬上夢青山思沈而致

遠非唐人不能道觀光心

識之公不以詩自命無從
得睹大金然觀光待臯子
部久雖未得悉公詩願數
聞公之教矣公之言曰余
宗海上蓋有桃花嶺之具
龍紫葶照映於烟窓雲鳥
此何必臧度索之山去陵
之深哉而余念之不得歸
余聞此於公嘆焉公清真
雅素自其天性數晉要路
津數抗疏乞歸而御太夫人
人極與果

詔強起之田間每歲不引疾
 無念不在丹山碧水非歎
 語也即公之出處以窺公
 詩其必高瞻前遠冲凌澹
 泊英妙埋於囊中純沈詞
 於物外不特盡讀其集而

後知已公今年四十有六
 自歸嶺上十有三年世望
 以為蓬萊之神山中人而
 公所吟詠必若真誥雲林
 與琅璈鳳笙相響應寧得
 以詩人目之雖然即後之

揚權千古論著一家又安
能舍公詩矣古今稱詩以
雅澹超曠名其家則無若
陶元亮余試取公集相提
而論元亮不嗜榮利環堵
蕭然簞瓢屢空而公致宰
衡改茅屋土垣蔬食布被
不殊寒暖所居半間樓一
柱亭凌虛徑度備然自遠
元亮不就州祭酒躬耕自
給有勸農諸詩而公屢出
屨歸荷鋤秉耒若真缺携

儼沮溺給耦殆實際語元
亮所寄致無絃琴所友善
廬山惠遠葛巾藍輿獨溪
酒德而公行以一僧一鶴
自隨雖不聞名飲而屢託
興詩歌官田不以種秣然
亦有天黍詩故評元亮之
人者曰和而實峻博而不
繁世之品以之評元亮之
詩者曰質而實綺灑而實
腴公之詩以之魏生而在
所擊節誦獨二語哉然元

亮生不逢辰所脫屣僅一
彭澤令與著作郎抑塞不
盡用而以冲淡瀟洒之致
忘其隱約莞結之思即境
而成詣也易公雖屢予告
而位躋師保祿位名德子

孫壽考無不冠冕人代而
能於經綸康濟之餘不失
其冲淡瀟洒之致離境而
成詣也難至於忠孝仁愛
其言藹如老而彌至其致
託方以外也而倫常最爲

於方以內造物所以福澤
 公視之亮亦遠矣公之弟
 民部君刻公詩於維揚公
 以書見屬子為我加詮次
 焉而以山林語弁其端不
 佞少賤何能定公詩然後
 公二年而歸歸且十年善
 言山林之致者宜未之或
 先也雲夢微學鄰觀光謹
 序

萬曆壬寅冬十月十有二日



夢山存家詩稿卷之一

五言古

述征二首

嘉靖丁巳外補晉臬

嗟余丘壑姿。趨世良非宜。始作毘陵宰。既登赤
玉墀。兩官無寸補。竊祿負明時。還家田已廢。覽
鏡鬢多絲。復畏簡書去。遠於關塞期。骨肉重分
手。離憂當告誰。

朝發滄海湄。暮走西河道。秋風吹河水。野闊聲
浩浩。客心亦如此。旅飯豈能飽。頻瞻太行雲。復

吊燕臺草。世事多艱辛。顏鬢忽以老。悠悠行路
人。誰知此懷抱。

彈琴峽

瑤琴何處聞。停車空緬想。谷靜水聲幽。霜餘山
氣朗。無聲心亦閒。况復聞清響。大道晦有時。靈
物豈易賞。徘徊坐盤石。高歌動林莽。

送王同年中丞

遼霸州人自延綏歸

兄也。景略流平生。更慷慨。世事一到手。此身即
不愛。開府向沙磧。咫尺是賊壘。籌策走風雷。河
山有別態。西人膽正寒。印綬倏然解。吾輩去留
間。豈無天意在。今年予衰甚。亦欲浮於海。他日
修短祀。從兄乞沆瀣。

送漳渠楊公分守雲中

悵望雲中城。猶隔桑乾水。遠道令人愁。况近單
于壘。單于何猖狂。侵掠日未已。蒼茫應與朔。滿
眼生荆杞。天子厘宵旰。吾徒寧不耻。楊公慷
慨人。憤時恒拊髀。談兵樽俎間。往往得神理。茲
行詎徒然。王庭應遠徙。分手勿躊躇。丈夫志萬

讀友問集 何遷著

獨把一編坐。門前雙鳥喧。春風來幾日。草木條以蕃。因茲悟至理。兀兀欲忘言。

旅中偶讀元次山西陽城之詩追憶舊遊擬作四首

海

仲尼欲浮海而我居海邊。海中有大魚。岬上有薄田。種田須荷鋤。捕魚還刺船。農夫與漁父。相

見復相憐。

楞嚴寺

此寺置何年。大唐貞觀歲。中藏白石碣。上刻前賢字。地居古河邊。門臨野無際。憶我讀書時。寒榻同僧睡。

馬谷山

馬谷近愚谷。所以人跡稀。昔名烏鴉山。不見烏鴉飛。惟有紫巖菜。其苗高且肥。洞口封白雲。專待主人歸。

三里村

去城三里遙亦無客來往。本是老農家荷鋤非
勉強既喜兒童愚又見桑麻長早晚酒一壺自
歌還自賞。

苦寒行沁州山中作

凌晨陟龜嶺詰曲怯躋攀。撫時歲聿暮積雪蔽
崇巒寒生危塹裡雀啼枯木間綿衣猶恨薄僕
從衣俱單路傍有民舍柴門掩空山壯者散四
方老者臥草菅海宇多變故徵求日未閑營構
一何急胡塵滿漢關壑深水不流我淚獨潺湲
憑誰叫閭闔早使陽春還。

同沈生京李生舒華宿清涼菴

我從炎海來乃至清涼境陰壑草樹寒絕頂天
風勁幽懷自茲開老眼亦一騁白雲生洞口遠
與諸村映曠扒天地間此道誰略領休文耽苦
吟李生習禪定相對寐無言意與山俱靜夜深
清磬發塵夢倏然醒。

題松谿書屋四首

達人屏塵垢。日日向林麓。偃仰岩壑間。置書翻
不讀。以道獵萬化。機運洞伸縮。默然坐磐石。一
鳥鳴高木。

浮化萬山裏。山色何青青。更於最深處。乃結一
茅亭。谿徑饒芳草。早晚飯仙苓。澹泊有如此。曰
惟養性靈。

谿聲與松聲。早夢寒驚破。蘿徑露初晞。步向西
齋坐。雲生樹忽暝。泉響山疑墮。吟成二雅詩。歌
罷無人和。

汲水自漱齒。隱几讀陰符。既以窺无化。又欲定
八區。大道無言象。至樂在江湖。時運苟不至。且
覽崑崙圖。

訓董信溪雪餘枉顧

山園何寥寥。雪餘枉高步。自愧非戴家。乃勞子
猷顧。呼酒暢幽懷。烹茶有隱趣。徙倚曠烟巒。瑤
華綴林樹。微微霽景流。天壤色俱素。深擁初祖
門。清憶謝庭句。苟非佳客來。茲意成淪誤。言別
日將夕。悵望城南路。

將赴上谷留別紀山二首 曹汴江陵人

我為東齊人。君為南楚客。相逢晉水陽。結交見
肝膈。絲竹列廣庭。嫵婉屈良知。自謂長如此。詎
知有行役。行役在塞門。念茲傷魂魄。戀戀不能別。
乃至曠野中。銜杯各惆悵。日暮生悲風。悲風捲蓬草。
一西還。一東塵世多變態。後會安可同。携手望雲衢。
愧彼雙飛鴻。

春日述懷

曉齋春雨歇。一鳥當窓鳴。山雲入我座。不知在

邊城。夙心本閒曠。偶無塵事繫。手把楞伽讀。忽
已忘吾生。軒冕是何物。可以嬰其情。君子貴得
道。誰能顧浮名。

觀呂山人海市圖

篋中何所有。惟有海市圖。我知山人心。長與變
化俱。天地蟠胸臆。樓臺倏有無。豈為蛟蜃宅。本
是神仙區。秦皇亦英主。東坡乃巨儒。空勞平生
心。不得到蓬壺。昨日安期生。訪我跨雙鳧。自言
阜鄉亭。密邇帝君都。又言塵世幻。滄海有時枯。

在家詩集 卷一
袖裏出仙籍。獨見爾與吾。去去凌飛虹。手中握
玉樞。誰云阻弱水。若過東家壚。堪悲軒冕客。終
日在泥塗。

述懷四首

自幼習耕釣。足跡不離村。長覽農桑書。亦窺道
德言。祇以家貧故。始驅南北轅。駑馬多顛躓。末
路怯騰騫。去就不自決。其如負國恩。上書解簪
組。吾將返故園。

鯤鵬翔萬里。鷦鷯在一枝。大小各有適。進退豈
無時。胡為徇利祿。營營至死悲。榮公行帶索。陶
氏恒苦饑。至性苟無累。貧賤復何辭。歸去臥山
中。斯人良可師。

澤蘭沿野徑。鷓鴣鳴高柯。感茲悲時叙。倏如流
電過。余年方半百。鬢髮漸以皤。去日不能再來
日。寧幾多。我欲尋瑤草。兼之種玉禾。若待功成
退。誰揮魯陽戈。

管寧東浮海。范曄西入秦。貴賤雖異致。千載同
一塵。憶其在世時。不如隱者珍。因之慕萊子。歸

侍白頭親所貴在養志寧論鼎與茵長揖謝浮
世冥鴻不可馴

沽酒與呂山人話舊

前年鄰鄴城與君始相遇慷慨夜深言所期在
遠慕聞君返故鄉干戈滿道路我亦抱沉痾命
危若朝露還家無舊業生事同流寓薄田徧蒿
菜殘書亦蟲蛀日夕臥空園懷人望雲樹豈知
寥落所君自遠方顧相別幾歲時相看忽若宿
橐中無黃金髮邊色已素既以感朋好兼之悲
世務滄流不可回蟬鳴日將暮對酒且沉酣萬
事有天數

初至鴈門謁閔中丞

煦任丘人

余本魯諸生未習戎馬事前年釋短褐萬里向
邊地秋風起鴈門羽書日三至中丞燕趙豪臨
敵有暇思幕中集群畫轅門列虎士亦欲效區
區坐使疆場治但求干戈戢勲名非所志

上元讌集以病不赴東荆人喻明府燕人
于李二廣文

微風韻春夕。圓月吐城闌。式讌偕流俗。旨酒娛嘉賓。火樹明還艷。絲竹間且陳。燕趙多英客。荆郢盡詞人。雄談驚四座。擊節洽芳辰。顧予寂寞士。獨與藥爐親。今宵有高詠。貽來慰病身。

題媿非馬公巢雲亭有序

結亭樹杪古今所稀。欣然賦詩以明向往。因及小洞非曰闢竒。

先生好事者。往往弄竒怪。所乘竹木車。首尾作船態。前年造行窩。看花隨處載。世人無不笑。達

人無不愛。忽於柳樹上。為亭團似蓋。四圍無軒窓。雲烟互而靄。亭中何所有。酒杯長日在。亭中何所為。吟詩學馬戴。亭中何所見。北溟與東岱。亭中何所親。山僧與荷篲。祇欲遠塵寰。不為增氣槩。我也作一洞。狂放亦其最。兩孔亘如環。中間頗不隘。竭來陳道人。品題是仙界。冥心坐終久。動靜俱無礙。百年湖海意。領略須吾輩。秋風吹十里。初涼體則快。或飲君亭上。或酌我洞內。醅酌無不可。誰能求富貴。茲樂難具言。更以心

相會

田居東李明府

自余解兵符為農向桃嶺病餘猶荷鋤灌園初
鑿井所賴明府賢蝗飛不入境木棉徧平岡瓜
蔓交野徑朝炊烟氣合日落山村靜時携妻子
來購此田中景雜芳娛幽抱寒虫滿清聽往年
亦此土人與歲俱梗感恩詎有涯撫事寧無眷
是時已秋飲場圃家家整烹雞若羅瓊為黍當
噉餅聞君欲枉駕老稚皆延頸

醉中放歌

同呂山人作

茫茫天壤內狂放有吾徒布袍不值錢當酒寧
幾壺晴空起雷雨把杯相叫呼烟雲滿郊甸龍
蛇能辯無世態亦如此富貴豈良圖管仲尚小
器公孫非丈夫惟有劉伯倫酒德耀寰區

春日訊喻明府病

君有醫人術春來亦抱疴良以憂郵故不為簿
書多吾鄉沐休澤節候入陽和谷風吹廣野晴
日動寒柯臥理自高才心賞其如何意况本閒

適端不廢弦歌我病偶相似芳歲俱嗟蛇寥寥
仲蔚宅華軒幾時過

初春臥病答喻明府韻

玄英歲云謝纏綿仍負病百齡今已半日月諒
無多心含萬古愁豈不滑其和春來散情性徒
倚眇庭柯賢愚會有極孰如冥運何開門得瓊
藻慷慨一悲歌道喪昔已然不必問蹉跎祇當
飲美酒莫使歲華過

環縣別計部蕭郎中

大亭秦安州人

君來自慶陽我先宿靈武前路入沙磧况為風
雨阻館舍對層臺蒼蒼閱今古愁雲黯蕭關江
聲帶鼙鼓憶昔白衣士談笑恢疆土君任泰山
下日夕吟梁甫竭蹶者何為王事方靡盬逢時
樹勛名桑劉口不數我髮已刁騷逝將尋巢父
山城無酒家別悰覺其苦

醒後聞磬聲

冷然響清磬我思良悠悠披衣一起坐明月懸
高樓遥遥目天宇空闊萬象收此時無人言獨

與太虛遊河清不可俟。天運條已周。冥心入無極。真想在浮丘。人生亦晝夜。身外更何求。

還鄉

去鄉十五載。今方返敝廬。日暮望城郭。慘淡心何如。存歿悲親友。蕭條歎里閭。舊日同遊人。携觴數過予。既慰干戈苦。再驚髮髮疎。流年何超忽。世事咲空虛。余豈真隱者。迂拙宜郊居。是時春幸暮。柳色拂長渠。自顧疾病身。猶能荷犂鋤。晝耘桑麻田。夜讀蒙莊書。

喜呂二山人中父見訪

客自越中来。滄江訪逸叟。念別倏經年。新詩得幾首。嗟君衣上塵。笑我門前柳。世事多翻覆。各掩談天口。留君且莫行。牀頭有黍酒。

甬東篇

有序

呂二山人四明高士也。舊號東野。余以犯古人又氣韻瀟灑不類孟。忽憶古詩云。四明有狂客。風流賀季真。四明乃甬東郡也。遂更號甬東。并贈小詩。

四明羨山水我聞已多年八十二峰雲日夕帶
甬川中有季真宅松竹凌蒼烟高風與勝跡萬
古光林泉明時有吕子逸氣何飄然雖在甬東
住未買甬東田竭來遊海內聲詩盛流傳山中
與野服見者稱賀僊將欲尋瑶草孤踪寄八埏
時人或未識觀我甬東篇

和王憲副西石宿左衛見懷之誥楚人

寒夜客何如更堪喧鼓角亂山殘雪裏能無動
離索羊河不隔夢飛去共君酌兩地結孤悰燈

花向人落

鴈門述懷訓徐王楊三君子

壙

基

絲

黯黯高闕雲惻惻鴈門樹我来夏方初不知秋
已暮時序固其然鬢毛愁則素勲名愧流輩鄉
山夢裡去孤抱竟誰陳援毫述短句

邊塵秋不起公餘即閉關所慕在沉靜日夕對
南山長空寒鳥沒遠岫孤雲還世途老難行因
思江海間匪君有道氣何由展心顏
滄海不西流日馭無東軌如何百年間愁與病

相積我有萬古心。傾倒向三益。徐孺高士流。王
猷尚標格。楊雲作詞賦。雅調宣金石。
秋風吹紫塞。木葉不能聞。慷慨空如此。多愧武
安君。平生素微尚。歸夢一何勤。手弄玄池水。足
躡靈嶽雲。終當謝明時。我言豈徒云。

乾陵

毒霧生陰壑。悲風吹曠野。殘燒無人收。山高土
色赭。當時信奢麗。遺趾尚豁開。蔓草纏翁仲。積
沙沒石馬。突兀七層碑。字蝕詎堪打。栢盡根亦
焚。平原過客拜陵下。

李生寒士也。有一牛代耕。今斃矣。詩以慰
之。

善賈不藝桑。巧宦不謀生。念爾蓬華士。終歲勤
躬耕。得牛若良僕。反視書劍輕。不忍服車輶。詎
肯供犧牲。春日起農事。物命一夕傾。問喘屬何
人。扣角罷歌聲。已荒長阻地。還傷田子情。存歿
歸冥數。物我由來平。何如捨此去。慷慨立功名。

聖賢不務稼獨能享大烹。

示祈雨官吏

官吏閔民旱。祈禱意頗敦。六月仍不雨。四野淨如鬚。呼前告官吏。恐未究其源。自從前歲澇。秋禾無一根。正賦不能入。兼之工役繁。政令如水火。徵求到雞豚。今日賣其子。明日復鬻孫。子孫已賣盡。里胥還扣門。守令猶不知。况能達至尊。人道良多舛。天心豈少恩。所貴修政事。及時救元元。愛人與節用。魯叟非空言。

呂憲長惠余七寶丹云服之黑髮延年惟與豆乳不宜余幼寒素獨與此味相善每呼為淡友戲作別淡友詩時中清豐人

歲晏起秋風。群芳倏凋悴。感此嗟余生。反為形所累。偶傳紫汞方。服食仙可至。鍾鼎誤時人。吾將從此逝。獨有貧賤交。如何一旦棄。

漫翁詩有序

萬曆丙申季冬十日夜予夢兩吏持文書招予至一大府府門尚未開予索文書觀

之乃漫文非予姓名因辭回醒來思之漫者有曠遠之義又有悠緩之義於予姓為近文則非其所長或漫然為之而未能成名於世耶古人有以漫自嘲者予非其倫今年八十更號漫翁作漫翁詩

予美稱漫郎次山號漫叟兩公皆偉人斯名傳不朽予本疎闊士且與病為偶性惟率其真名不居其右雖嘗為文章不習韓與柳詩韻尚未諧况能辯好醜亦嘗涉世故世故良難剖執事

與掄林舛錯恒八九自信惟此心得失兩無有所幸遂歸來惟與鹿豕友耕也不知獲漁也不用筭富貴若浮雲詩書成敝帚于今年八十萬事空回首茫茫視天地未知誰長久仍欲惜豹文仍欲競雞口縱得千載名何如一杯酒歲月自盈虛吾生無譽咎從此稱漫翁可並古人否

死別離有引

晉唐人有悼亡詩傳之後世尚不能讀予為死別離詩二首非敢效前哲亦惟宣

洩幽懷云耳

生別在遠道。思之令人老。白髮倘相逢。猶足慰
懷抱。死別向泉臺。墓門何日開。豈無眼前人。思
君痛難裁。

生別如秋雁。春日或相見。相見既有時。腸亦不
能斷。死別臥荒郊。東逝水滔滔。思君如逝水。寤
寐心為勞。

長山王同年學博過訪因談醴泉寺贈以

小詩

君家長白山。中有醴泉寺。垂老不能遊。笑我緣
何事。君今訪我來。更復談清致。一泉生峰頂。亂
流到平地。范公讀書堂。四時有蒼翠。豈惟山水
佳。其人亦相似。名高齊魯間。羨君從早歲。同榜
稱白眉。詞林為赤幟。地靈人亦傑。相傳豈無謂。
禮闈久抱屈。復罷催租吏。橫經向何所。人文觀
盛世。崇卑不足論。所貴有胸次。酌君一杯酒。相
看各意氣。白雲逐君來。使我生遐思。

長干行二首效齊梁體

妾住清谿口。門臨江上柳。柳花飛似雪。惆悵與郎別。

記得初相遇。門前花滿樹。只今已落花。郎去宿誰家。

夢山存家詩稿卷之二

五言律

行板橋山中 時赴晉泉

山色橋西處。清幽與世分。霜崖出野館。苔徑入松雲。巒氣晴還濕。水聲斷復聞。隱居惟此好。詎敢負明君。

八月初八日飲劉叅戎對月亭

亭靜月娟娟。清光此處偏。關山元有曲。河漢正初弦。影動金樽裏。寒生寶劍邊。不因烽火少。安

得醉華筵

宿太安驛 屬太原

長路客心倦。懸崖暮景斜。壑深雲並黑。夜久月初華。短燭啼山鬼。高風動塞笳。玉城知漸近。猶自夢烟霞。

盤陀晚行次韻二首

歲晚猶行役。山程帶雪高。客愁雙鬢改。國計此心勞。暗冰衝斷危峰。天植牢。今宵應不寐。霜月滿亭皋。

雪後風無起。山空路轉寒。豈堪多病體。猶未歇征鞍。下驛燈來少。盤河夕渡難。海鄉茅屋在高臥。羨袁安。

過鷓子峪 在北樓口

十里松間路。松聲雜鳥聲。山雲多變態。野水自縱橫。古木題詩坐。懸崖下馬行。可憐幽絕處。只是近邊城。

武鄉 以催科至

萬壑斜陽裏。寥寥一縣樓。所經多亂石。幾處是

平疇甲嶺雪長在。漳河凍不流。民生困已極。那
忍更徵求。

松林寺留別諸公和衛源方伯韻

窈窕山邊寺。青青松樹林。豈堪虛寂所。翻動別
離心。日暮晉城遠。雲愁燕塞深。前途知己少。袖
裏有高吟。衛源孟淮汴梁人有詩名

秋日寓塞上逢老母壽晨

悵望空垂淚。淹留豈為官。君親情獨苦。去住意
俱難。野潤山雲暮。風高塞草寒。幾時拜家慶。菜

彩一承歡

北樓口留別許叅戎

擾擾烟塵際。離觴對晚暉。悲風嘶去馬。落葉上
征衣。野燒臨河斷。寒沙帶雪飛。願君思滅虜。慷
慨振軍威。

役役

役役憐終日。驅車西復東。客心生塞草。世事入
秋風。意向簿書倦。愁因疾病空。祇應滄海上。高
坐學漁翁。

王義鎮用麥飯

我過王義鎮。白日掩柴荆。颯颯風沙起。淒淒鳥雀鳴。館人供麥飯。黯色似藜羹。正此憂民瘼。一餐無限情。

送黎樂溪憲副轉甘肅太僕三首

白嶺千山外。黃河萬國西。塞雲秋渺渺。沙草日淒淒。遠地難離別。邊城尚鼓鼙。張王名未泯。駟政定思齊。

帷幄運籌者。翻令在牧羈。憂時雙鬢短。去路一

琴孤。已振蘭臺紀。應蕃沙苑駒。誰云閑散地。天子欲平胡。

栢溪書屋二首

多才漢司馬。高調謝臨川。業在青山裏。人來滄海邊。論文驚琬琰。把酒向雲烟。未遂卜居志。空歌伐木篇。

入夏門長閉。為園道不踈。閒將流水引。夢與古人居。野鶴窺丸藥。山精聽讀書。尋詩自來往。風起柳塘初。

忻州雨夜

世慮已難遣。况當旅館秋。寒城夜半雨。故國夢
中樓。河漢幾時曙。蛩蟹增客愁。雁門明日路。鼓
角入邊州。

石州陷後作四首

人與家齊壞。城空真若屠。百年無此變。萬命亦
何辜。天為冤魂黯。地將肝腦塗。夜深聞鬼哭。不
獨恨匈奴。

石州古名郡。一日化為灰。虜騎豈飛到。城門不
戰開。腐儒終誤國。盛世自多才。好用廉頗輩。空
談何補哉。

世事料如此。吾民禍早嬰。山川猶帶血。草木亦
吞聲。白日鳶雙下。危途旅不行。憑誰訴真宰。徒
爾痛蒼生。

自昔聞兵火。傷心在目前。生存猶墮淚。死去益
堪憐。城壘酸風印。干戈積歲年。請纓還我輩。悔
禍是皇天。

逢劉吉士鈍菴時謫戍雁門

嘆爾詞林客。如何在塞門。蹉跎頭漸白。慷慨氣
猶存。把劍論時事。吹燈照淚痕。金雞聞欲赦。早
晚沐天恩。

祁縣贈閻漫川同年

吾兄乃達者。早歲向烟蘿。世事今如此。浮名竟
若何。人來光水少。田傍幘山多。醉後惟高枕。不
聞種豆歌。

太原除夕

今夕山城裏。客心坐轉煩。年光分半夜。燎火閉

千門。續酒惜殘臘。感時念故園。所歡吾母健。萬
事不須論。

元夜曹學憲紀山枉過有述

三年三晉地。臘盡復春宵。忽訝年華改。無悲故
國遙。文章慚往哲。出處媿清朝。把酒踈燈下。君
來慰寂寥。

登恒嶽五首

恒嶽來何所。正當北極中。早年聞勝跡。老我謁
玄宮。雷雨流晴壑。松杉撼晚風。靈山瞻禮罷。懷

古意無窮

南去臨全晉。北來控朔方。千年形勝在。萬壑松
雲涼。上界金銀闕。懸崖薜荔房。乾坤回首處。冀
野路蒼蒼。

不覽群山徧。寧知北嶽尊。于今歸聖代。自古
障中原。日月遮明晦。烟雲互吐吞。秋高臨瀚海。
萬里辨清渾。

昔人巡狩地。風景有無殊。恍惚危峰墮。陰森古
殿虛。夕陽岩五色。虎峪栢千株。依舊玄天丹。冷

冷照玉除。

層崖獨立處。萬木秋風寒。水作玲瓏聽。山如齒
齒看。盧敖元有杖。殷女尚留丹。寶籙肯相授。明
朝即棄官。

春日病歸先寄冰壺楊明府二首

今日還戎馬。空餘疾病身。豈能當國士。終合作
閒人。塞路天仍雪。海鄉柳已春。所欣沾惠化。裁
此報安仁。

長路看山色。其如久客何。明時辭印綬。垂老向

烟蘿花憶春城發。門憐步草多。因君歸興好。到日聽弦歌。

再過栢井驛將別任栢溪鎧

十載題詩處。青山滿驛門。與君今日別。白髮向中原。客路看春樹。寒燈照夜言。明朝故關上。回首一銷魂。

雁門九日無興登高作詩二首

九塞行將徧。三秋歲欲殘。故鄉歸未得。客抱向誰寬。雲送臺山暝。風吹關樹寒。干戈正擾攘。何

處可凭欄。

把酒不能醉。登高柰所思。豈堪雲斷處。正值雁回時。風雨樓煩國。關山李牧祠。寒花無意賞。况復鬢毛衰。

秋日飲王計部擬蘭亭次韻二首

訪汝亦何暮。淒其池館秋。風迴黃葉舞。天淨碧雲流。詩句輸摩詰。客心憶少游。相知不痛飲。歲月若為留。

池亭當勝所。烟淡更宜秋。勾注千峰出。滹沱幾

存家言和 卷二
八
派流酒因愁易醉。藝以老難游。不是同鄉共誰
能盡日留。基青州人

寓安邑

回首同戈路。忽驚歲序徂。腐儒慚餼廩。多病夢
江湖。凍水寒雲合。條山夕照孤。荒涼城郭裏。惆
悵禹王都。

懷來城逢四明呂二山人二首

飄飄江海客。此日滯燕關。裘馬狂仍甚。風塵氣
亦閒。尋幽秋過寺。得句暮看山。我正悲羈旅。逢

君一解顏

南國亂不止。客心其柰秋。一身來萬里。避地獨
登樓。燕樹着霜變。羊河抱郭流。明年與爾去。滄
海老漁舟。

和王侍御自沁州見寄兼送還朝二首

柱史吾鄉彦。高情柰別何。有書來晉水。無夢不
漳河。亂後征徭急。明時諫諍多。老懷關世事。况
聽大風歌。

近報干戈息。遙瞻日月新。乘馳趨北闕。遺惠泣

西人道路千山霽。鶯花上國春王褒。能獻頌不
祀碧雞神。隆慶元年。

宿土明村

北來三百里。纔見此孤村。自有干戈後。惟餘老
稚存。山川空對客。風雪不關門。隣壁何人住。哭
聲夜尚吞。

汾州贈孔文谷先生二首

愧我栖栖客。得升賢者堂。早聞經濟志。今見髮
毛蒼。兩漢看文體。終年入醉鄉。田園開背郭。人

擬輞川莊

早上萬言書。曾傳玉殿臚。才非時所用。心與道
相符。注易山名卜。為農谷似愚。不因賓帝。事
業詎能無。

故關別任栢溪

關門從此別。對酒各沾衣。芳草臨歧路。千山向
夕暉。交情惟汝在。世事與心違。後會知何地。休
令音信稀。

過青蒿鎮

存家詩稿 卷二
野店愁過日。悠悠驛路斜。黍禾將歲暮。窰洞幾
人家。雷響千山雨。風啼獨樹鴉。客心向誰好。關
塞是天涯。東有天涯山

春日懷歸

岸幘花前坐。忽同林下居。春風吹戶牖。芳草徧
庭除。嗜酒無餘俸。多愁懶著書。歸歟桃嶺上。兄
弟共耕鋤。

東張前溪大叅

松洛陽人

為問張平子。客懷近若何。悲秋心共苦。憂國髮
應皤。北嶽雲中樹。桑乾霜後河。懸空寺裏約。九
日可相遇。

過懸空寺

一寺空虛裏。危欄高幾層。懸崖惟度鳥。無路去
齋僧。雲隱多羅樹。天垂寶月燈。塵心何處覺。孤
磬下峻嶒。寺在渾源州磁窰口

冷泉關別張安軒少叅徐南野僉憲二同
年

羨汝同南去。嗟予獨北還。離筵臨野水。客路入

秋山世故誰相語。塵心自不閑。那堪分手處。日暮冷泉關。

岩畔僧居

岩畔疑無路。禪關向此分。金沙高映日。貝葉細翻雲。入定妨猿嘯。焚香下鶴群。何時乘興至。清磬月中聞。

望箕山懷許由

箕山樓隱處。逸駕接崆峒。孤塚懸雲外。芳名落世中。聖朝猶不仕。潛德更何窮。余亦塵埃客。徒

懷高士風

聞喜公署言懷

寂寞淹山館。寒城下夕陰。迂懷空慕古。撫事已成今。路遠鄉書少。天高秋意深。不堪客思苦。月出更聞砧。

宿吳城驛

孤城夜裏到。雪色正湯湯。亂後人家少。山深燈火寒。悲風吹古樹。入夢似驚湍。明日黃蘆嶺。彌知道路難。

行靜樂梁嶺山中

岩壑行來好。松杉盡不如。經年無客到。何處有人居。石古苔生徧。泉香麝過餘。買山能得此。亦可結吾廬。

路中逢立春

蕭鼓迎春日。喧喧客裏聞。馬消邊地雪。旗暖晉山雲。隱隱川光動。微微柳色分。田園正好去。莫待有移文。

過石嶺關

石嶺月初上。登登僕從勞。山城秋路遠。戍鼓夜聲高。驅馬臨重隘。感時換二毛。風塵頻看劍。無夢向江皋。

出京別諸公

萬曆庚寅

春日去都門。河橋氣色溫。為因乞骸骨。寧不戀君恩。白首家千里。紅亭酒幾尊。治平諸老在。深足慰離魂。

夜渡滹沱

夜渡滹沱水。茫茫幾里寬。舟行人不覺。波動棹

存家詩集 卷二
聲寒彼岼千燈候。戍樓曉月殘。趨朝正此際。老矣別長安。

近家志喜

還家春未晚。草色尚萋萋。漸覺世塵少。忽看鄉樹低。候門喧稚子。炊飯有山妻。從此滄江上。別開桃李蹊。

過王戍店感舊

當年沽酒處。此日一人無。回首悲陳迹。浮生媿老夫。長途春草徧。小店野烟孤。忍見旗亭柳。風

前鳥自呼

霑化夜集感舊

別去憶多年。張燈惜此筵。故人嗟老矣。吾髮亦蒼然。雨響殘秋地。城分不夜天。從今數來往。同種海西田。

過忻口

落日臨寒渚。悲風動戍臺。雲隨長路去。水自亂山來。白髮身將老。蒼生志未灰。沙禽鳴向客。旅思轉悠哉。

逢楊風軒教諭時風軒罷官久矣勸之東歸故鄉

前歲一官罷于今尚遠途髮毛驚盡白囊篋想應無老更攻詩翰狂猶到酒壚東歸舊業在三徑未全蕪

宿穆陵關效杜荀鶴體

野館千山裏頽垣少四鄰雄圖追往古衰髮憶吾親岩月望不出秋虫聒殺人關門候明發南去有通津

赴南都登太岳二首

駐馬登東岳憑高辨四溟始知人世小不斷此山青樓閣秋孤出川原晝杳冥將尋孫復隱忽忘有嚴程

梁甫名仍在登封事不磨逢人詢古蹟覽勝欲狂歌匹練吳門近豐碑漢代多還能舒老眼萬里見滄波

藥城讀吳川樓給事壁間詩次韻時川樓猶謫宦

青瑣同袍友。知從此地眠。朝中傳奏疏。客裏見詩篇。大陸秋風急。長河夜雨連。賜環應已近。猶自着吟鞭。

答温中丞見寄

如璋時余寓平定候代

留滯春將晚。思君曠所期。荒城書到處。白日夢回時。老病醫難得。兵符謝已遲。歸途定相見。應嘆髮如絲。

清明後一日劉通政過嶺園

希孟

嶺圃逢君如春風。食尚寒。不言別後事。先問

聖躬安。存歿悲諸老。去留任一官。雲林最深處。相對酒杯寬。

中秋嶺園對月

為問林塘月。如何分外明。轉憐河漢近。偏映竹松清。疑有羽人駕。杳無天籟聲。庾公興深淺。茲夕可相并。

寄題屠赤水空明閣二首

隆能文負屈

聞君起草閣。賽我半間樓。深喜居相似。翻悲路阻修。江雲晴亂入。山月曉還留。偶記少陵語。乾

坤到十洲

高調已絕塵林間閣又新谿山且礙眼名利豈
關身倚檻觀無際談玄坐至人謬言不識路夢
遠鑑湖濱

贈呂山人劍

寶劍帶龍文空藏未策勳呼僮開玉匣雙手贈
茅君江海獨行處鯨鯢應散群夜深謔拂拭光
在斗牛分

病中喜雨

海國經年病山堂少客過平明看細雨長日對
垂蘿世事渾宜嬾生涯豈在多老來厭兵甲一
洗望天河

三家村

海色暗荒原蕭條自一村日高不見火人到始
開門屋比巢居陋儲無僦石存猶聞催兩稅對
此欲銷魂

首尾吟二首效宋人體

我思堯舜時察察盡師師猶謹危微念長歌喜

在家詩集 卷二
起詩中天懸日月萬古仰綱維擊壤人不見我
思堯舜時

我思孔孟時人得聖賢師六籍咸遵古七篇半
引詩無非明帝道總是正天維異說紛然出我
思孔孟時

得二鶴

本是雲霄侶伴予守故丘敢嫌雙口累似與三
僊遊舞遠花間徑唳高塵外樓身輕如有日跨
爾向羅浮

郊居秋興

郊原淨秋色幽事甚從容不厭山僧過每於田
父逢為橋通野水伐木出寒松更願烟塵絕終
身一老農

栢林寺別王計部寺即李晉王葬所

園陵今作寺秋草向沙陀事嘆千年往人憐兩
度過山川明霽雪鍾磬帶烟蘿於此別知己尊
前意更多

春日平定候代次韻訓任苗二子

如何已解綬猶此客天涯為有求羊過頻開早
晚衙詩人情自好塵世事堪嗟遙憶嶺園裏春
深樹樹花

贈陽信武明府

我讀循良傳惟君似古人愛民不啻子接士儼
如賓野潤潘花徧城春陶柳新 聖朝正求治
早晚侍 楓宸

重過霑化范公園

人憶羲皇上園開渤海西以予別去久是路再

來迷雨徧桑麻野春深桃李蹊平生一范老不
見意悽悽

南山上人來訪送以小詩

寂寞誰相訪師來手果餘不言心自了 一呪病
能除歸路石仍滑世緣老更疎從茲門再掩草
色徧郊居

贈車鎮村族叔三老

吾家養齋老所性好清閑薄地不盈頃草屋只
數間宅隣廣武墓樹接烏鴉山已住郊原外樂

扉長日關

夢山存家詩稿卷之三

五言律

九日同呂山人登覽曠亭

極目川原外。放懷天地間。千林秋葉墜。萬里塞
鴻還。風雨詩偏壯。茱萸晚正斑。不因君落帽。誰
解是龍山。

題介休王醫杏林卷

賣藥薰求道。年年海上過。應人渾偶爾。濟世有
諸科。術異泣神鬼。心閒到薜蘿。春來聞種杏。萬

樹繞汾河

題馬愧非巢雲亭

亭子起何所。高懸古柳間。為聆黃鳥語。兼愛白雲還。杯外分平楚。座中到遠山。襟期有如此。能望不能攀。

壬申九日登覽曠亭憶舊會兼喜谷司馬

初還次前韻

往事真如昨。登高復此間。歲時人半老。江海客初還。暮雁聲偏疾。寒花色自斑。不須多感慨。東

望有牛山

送圓上人還五臺

清涼古佛地。有屋傍西臺。朔雪春仍積。岩花夏始開。已知苦行滿。想見文殊來。二虎倘無恙。為予問訊哉。

庚寅九日登高

林下登高處。飄然興不同。迎霜樹五色。對酒菊多叢。世事浮雲外。風流落帽中。莫悲秋漸晚。天際有歸鴻。

閒居贈五臺僧

浮世豈忘我衰顏無片能絕交惟獨往問字幾
人曾門徑長青草軒窓挂紫藤莫言少客訪見
有五臺僧

元夜病足 寓平定候代

春到人猶病寒燈臥獨吟籃輿他日事藥裹異
鄉心歲序驚沙塞椒花憶故林歸期仍未定滄
海夢中深

家居次呂山人韻

罷官真是遲多病老來時難抱灌花瓮空臨洗
硯池閉門春草長伏枕隙駒馳潦倒不堪用非
君孰我知

病足自遣

仰臥長終日空齋澹所思何須窮海岳祇貴得
希夷真性能無損凡軀未足悲文昌詩句好身
病是閑時

答王龍門見寄韻

自向山中臥蕭條門逕秋市沽愁不醉藥品病

多收世事歸詩卷。生涯有釣舟。聞君欲相訪。家在
海西樓。

月夜至山園

而我愛光景。山園夜亦過。微風醒鳥夢。明月澹
烟蘿。露冷蛩聲少。亭空樹影多。此中得佳句。高
詠向星河。

秋月吟

清光正東上。大火已西流。皎皎四時月。如何偏
愛秋。玉繩低草閣。金露濕芳洲。遙憶僊人宅。五

城十二樓

秋日間居三首

笑我起居處。寥寥一竹床。長貧諳性命。多病識
行藏。地與紅塵遠。秋憐白日涼。山僧久不至。木
落井西堂。

謗道無生理。秋天亦苦予。倩人斲藥品。伐木結
寒廬。酒採菊花釀。唵收桐葉書。所歡遂閑散。名
利將焉如。

荒徑無人到。柴門帶晚霞。不知身抱病。且喜菊

開花買鶴供詩料。鬻書送酒家。秋來禾黍熟。垂老此生涯。

還家逢九日二首

自喜一官罷。寧悲三徑蕪。懸車少客訪。入戶有
鐘扶。黃菊寒仍在。青山道不孤。老來慵戲馬。高
枕臥江湖。

芳辰來故國。秋色徧柴門。正值菊花候。新開竹
葉尊。晴雲高雁鶩。暮雨長蘭蓀。偶誦閒居詠。斯
人可共論。

和呂山人病酒

酒病嘗難受。山人其柰何。詩仍枕上得。飯已午
時過。問字良朋集。閉門芳草多。忽聞發高興。予
亦散微疴。

五月廿七為誕陶兒日。時寓都門。聽覆試
念之作此。

兩年誕汝日。皆在客途間。正屬炎蒸候。其如遊
子顏。科名是何物。天性自相關。從此堪偕隱。雲
深馬谷山。

月夜

齋中人去夜。松際月來天。自擊羅浮磬。高歌招
隱篇。軒窗殘雪在。河漢數星懸。鶴夢呼不起。吾
心誰為傳。

海鄉聞雁

平蕪霜露合。孤雁尚南征。影落黃龍渚。聲淒魏
豹城。殘雲疑路斷。新月似弦驚。十載關山北。曾
傷故國情。

閏八月十五東王高二君以前月惠酒病

不能會

正當延賞夜。一病獨成眠。北海尊空在。南樓興
杳然。清宵嗟已矣。白月喜重圓。茲夕誰能負。星
河萬里天。

戲題三角亭三首

茅亭獨面東。想像總無同。形出方圓外。數蕪天
地中。聯詩宜石鼎。講道去尸蟲。混世當如此。寧
論拙與工。

何方問蓬島。塵世路多歧。獨向小亭坐。還如上

古時斜開蔣詡徑。靜遣季文思。盡日看春色。萋萋
萎蕤。景苑。

前後悲身世。于今記得曾。年光何鼎鼎。人意尚
稜稜。白日依簷轉。昏星傍溜澄。惟應招總印。共
此閱傳燈。

戲題草屋三首

爽塏非吾願。結茅獨傍村。經營謀素拙。巢窟意
猶存。俗士頻迴駕。高僧常到門。此中風日別。背
背有餘暄。

土壁須臾就。柴扉容易開。海鄉乏木石。棟宇借
蒿萊。尚恐秋風妬。應無燕雀來。平生懷栗里。八
九亦多哉。

茅茨高幾許。所願避風寒。雅稱蓬為戶。偏宜竹
作冠。自甘芻狗棄。人以臥龍看。深感谷峰老。為
予賦考槃。于宗伯寄題有俗殺午橋莊之句

秋日郊居二首

嶺園寡塵鞅。悽然秋日心。呼僮移野菊。留客醉
霜林。落葉悲時序。浮名嘆古今。靜言思化理。世

慮盡銷沉

昨夜涼風至。轉憐景物新。已蘓多病體。况復少
烟塵。歲稔登禾稼。秋高有蕨蓴。蕭然無一事。猶
念未歸人。

登新興里黃臺

臺起縣中央。登臨意獨傷。愁雲連海暗。蔓草接
天荒。幾里無雞犬。迎冬見雪霜。憑誰問民瘼。村
落滿斜陽。

重過馬谷山村

山村重到。印風景益堪。親家遠。惟宜病境。幽豈
避人。雲開三洞曉。水漫九河春。投老此中得。當
年枉問津。

送汪山人遊山海

自是江湖客。猶然變姓名。妻孥貧不問。書畫老
逾精。雲黯秦王島。山高孤竹城。同誰登碣石。醉
看海濤生。

贈李廣文移居無呈王宋二丈

定爾嫌車馬。還因欲卜鄰。蕭條委巷內。來往向

誰頻門徑不除草。圖書長傍身。宋王家咫尺俱
是素心人。

和呂二山人君子居韻二首

渤海非東海。窮鄉亦薄遊。慚予為地主。愛汝獨
風流。野色蓬三徑。濤聲夜一樓。隣人亦知德。送
酒過牆頭。山人寧波人
此地誰堪隱。君來就我居。若非耽寂寞。寧不厭
樵漁。綠柳村邊舍。黃庭枕上書。相看吾道在世
路。竟何如。

答呂二山人雨中問病韻二首

謾說憲非病。空慚回庶幾。家貧人臥穩。橋斷客
來稀。秋草恣侵徑。寒雲伴掩扉。明朝野水落。依
舊釣魚磯。

已向山中老。寧論世上功。爾詩久作祟。吾道豈
云窮。百畝桑麻雨。一溪楊柳風。生涯亦自好。端
不坐書空。

立秋後一日董劉二君過訪

杖藜偶爾出。忽見兩高軒。不意索居處。得聞長

者言是時流大火。傍樹倒清尊。落日遽相別。依然又掩門。

邀諸學博賞菊

佳菊偏宜晚。入冬始落英。寒增茅屋色。雅稱野人情。霜露清三徑。壺觴盡一生。廣文能好我。騎馬過柴荆。

郊居效樂天

老去無餘事。徜徉草野間。高簷移當竹。亂石疊為山。客到即呼酒。僧來同閉關。不因逢盛世。那

遂此清閑。

送鄧廣文之任崇陽令

文旆忽南去。老懷柰別何。仙鳧攀未得。荒壑更誰過。客路九江遠。楚城三戶多。一言堪贈否。佳政在弦歌。

送孫司訓之任良鄉學諭

幾載借荒城。為師獨有名。那堪驅瘦馬。猶自戀諸生。月上蘆溝白。風傳黍谷清。莫言官尚冷。已得近神京。

雨夜有感

諸生時作

白晝又黃昏。更深未掩門。人垂燈下淚。鬼哭雨中魂。雙鬢愁將老。一經還自溫。寥寥長夜裏。心事與誰論。

寄董允憲間居二首

邦政有邊才

聞君已解任。投老向青齊。結屋長山北。買田渤海西。花應栽滿徑。藥想種成畦。處處堪行樂。春來酒自携。

濟世須安石。東山豈合歸。尚存翰墨債。新作

荷衣。紫塞名仍遠。蒼生志不違。長春高臥夜。猶

夢羽書飛。

長春董君園名

寄呂山人用韻

殘冬仍寄食。念爾老無家。跡尚如飄梗。情多似亂麻。綈袍誰見贈。魯酒自應賒。聞作王門客。筆頭想夢花。

病中曹子見過

長日閉門臥。衰年懶讀書。貧惟安所遇。道欲識其初。鶴跡山房滿。松聲藥院疎。不因君問病。誰

肯過吾廬

秋日劉別駕偶過

近午猶高臥。小車說到門。披衣迎好客。問婦有清尊。市遠盤食少。秋深松菊繁。文章與出處。身外不須言。

雨中和張山人懷歸越中

故里何年別。魚書隔歲沉。囊無十日費。髮有二毛侵。交誼原非淺。酒杯莫厭深。西園聽雨處。還似越江滄。

和呂山人遂初堂韻

茅堂得詞客。相對兩忘機。以彼心長逸。慚予病始歸。漁樵元舊業。荷芰有初衣。堪向此中老。回頭萬事非。

寄淮陽張給事

佩

予多張季鷹。行與古人并。諫主曾焚草。為詩獨擅名。淮陽山水郡。海上薜蘿城。見面何由得。空勞夢寐情。

九日憶亡弟巖

自汝棄予後出門益覺難無人陪笑語對酒獨
悲酸荆樹霜中老鶴鴿原上寒茱萸雖滿把含
淚不能看

醉臥讀高蘓門詩

閒居長是醉高枕任吾歌
懶慢心方得蹉跎老
豈知北窓風到處深樹鳥鳴時
世事一無好猶
耽陶常詩

越中三高士飲王左史莊贈此

左史能延客况聞高士名
盤桓輞口墅登眺古

時城聽鳥管絃廢看花羅綺輕
夕陽猶未返應
待月華生

南園刈麥

刈麥向南圃城中不異村
晴風低乳燕夏日滿
衡門豈獨糊家口且思供酒樽
生涯誰謂薄郭
外有雞豚

夏日野塘泛槎

十畝野塘裏浮槎亦勝遊
不知三伏暑渾似五
湖秋映酒垂紅蓼傍人起白鷗
因思西里泊毒

霧若為愁

雨中客自濟南惠石與竹榴

移將華頂石寄我海邊村已適樂山意况兼花
木繁風光分北渚雨氣滿西軒從此獲三益恍
同靜者言

三益自東坡來

題趙子冲玄稿

嗟君狂者流一第竟悠悠見客少青眼吟詩欲
白頭谿山無世態花鳥共春愁從此聲名著前
身趙倚樓

雨夜董信溪過訪

臥病滄江上柴扉晝不開况茲風雨知乃有故
人來遠屋吟黃葉疎燈照綠苔平生丘壑意共
盡掌中杯

秋晚桃嶺再集

已過重陽日風高寒更催菊殘猶待客病後尚
登臺萬木霜中落浮雲天際來祇應拚一醉騎
馬夜深回

春日

春日更多情。風吹杖履輕。欲聆黃鳥轉。獨傍綠楊行。遠甸陰雲合。孤村花木榮。偶然逢野老。邀我坐柴荆。

送孔松崖道者

是吾夫子後。自幼獨脩仙。心注形骸外。道窺天地先。蓬萊知遠近。歲月自推遷。惆悵此時別。歸來幾百年。

送程尉還蜀

與君萬里別。忍見柳條春。已恨罷官早。兼悲為

客貧。猿聲來峽口。草色暗江津。想就嚴平卜。行藏不在人。

起巡撫陝西

嘉靖丙寅

一身曾許國。詎敢顧其私。捧檄寧不喜。絕裾還自悲。朝廷多難日。臣子請纓時。早晚干戈定。歸來慰母慈。

冬日喜韓紀善過訪

桐蒲臺人候補

嘆爾王門客。長裾未著身。遊梁終授簡。訪戴愧非人。雪散遙林色。杯傾大海濱。不須論出處。南

北正風塵

秋雨宿黑石嶺

嶺險藤迷路。山高石作城。片雲何處雨。孤客此時情。茅屋幾家住。秋風半夜生。旅魂愁已絕。况聽鼓鼙聲。

安邑逢閻給舍二首

救張總督杖歸

青瑣同趨日。聲名汝獨先。別來多歲月。老去阻山川。杯酒還今知。風波憶往年。五雲回首處。相對一潸然。

聞君高臥處。門向翠微開。野徑葡萄熟。山橋麋鹿來。閒居應作賦。治世孰憐才。余亦思歸者。滄江有釣臺。

早秋登龍門城樓二首

朔塞樓頻倚。新秋天乍晴。雲山兼日色。鼓角帶邊聲。路有元人轍。臺餘漢將名。楊公石柱在。極目舊開平。

指點雲州地。真為漢北門。八城臨大漠。一路向中原。晴日山川映。秋田黍稷繁。文莊經畧處。父

老至今言

覽壁間北嶽詩憶舊遊

絕頂曾獨上。乘風凌紫烟。採芝秋峪裏。謁帝夕陽邊。瑤闕頻回首。塵寰動隔年。棄官何日去。空誦白雲篇。

紫芝峪夕陽岩皆北嶽景

經順聖川

野曠行人斷。風高戍鼓鳴。青山隣巨虜。白日閉孤城。戎馬千年地。江湖萬里情。不堪征戰後。極目一沾纓。

過響水堡

塞水合流處。聲喧十里繁。乍聞堪動色。相對未能言。東峽奮鬣怒。驚濤日月翻。祇應阻胡馬。不得入中原。

即事 嘉靖壬戌

世事渾無補。歸心祇畫飛。來何處。雨一洗漢山川。海宇豐登日。宰臣罷去年。單于猶未款。誰為勒燕然。

答王少參見懷 惟寧關中人

我豈楊雲侶。君同王粲賢。憤時應伏酒。投老是
何年。擾擾干戈地。淒淒雨雪天。不堪客舍裏。獨
誦烏鳴篇。

對山亭雪後 在陽和

雲帶高峰好。况於雪後看。澹烟飄戶牖。清景似
江干。塞遠人稀到。亭孤歲自寒。獨愁防虜者。猶
未解征鞍。

小天門 在四海治

疊嶂迴環處。桃源恐在茲。雲從馬足起。藤向樹

頭垂。澗水喧迎客。岩花笑索詩。殷勤留姓字。記
我獨來時。

同王少參遊清虛觀四首

徑轉孤峰外。霞明仙苑邊。瑤華開幾世。丹竈閉
多年。洞古雲長合。堂虛日獨懸。登臨有王烈。共
詠紫芝篇。

逸思駕天風。飄飄出半空。山川雲日裏。樓閣畫
圖中。洞隱千年鹿。潭飛萬里鴻。平生慕仙蹟。此
地即崆峒。

金扉凌倒景。王女儼層臺。地靜人同鶴。峯竒錦
作苔。亂雲行處起。清吹坐中來。仙駕杳不至。誰
將寶籙開。

山晚鳥猶吟。窮幽此日心。危途愁作客。勝境欲
抽簪。紫磧松風滿。瑤壇花霧深。歸來應夢到。縹
緲翠雲岑。

邊城見燕子

寥落邊城裏。還看燕子來。主人寧見妬。蓬戶定
頻開。地迥巢難就。風寒羽易摧。翩翩懷舊侶。何

處傍池臺

左衛秋日候王楊二君不至

關雲看欲曉。離思我何如。野燒驚沙雁。霜風落
塞榆。論文心正切。籌虜計猶疎。不醉今宵酒。空
傳前日書。榆字依洪武韻

九日寄王少叅

可惜重陽候。年年客裏過。登臨吾不愜。懷抱爾
如何。落日黃榆滿。悲風紫塞多。無由一縮地。把
酒慰蹉跎。

九日登高 大同

已作雲中客更登塞上臺風塵回老眼節叙託
深杯碧海雁行斷陰山雨氣來故園今日菊惆
悵向誰開

春齋漫興

遠地無人到春風憶故林傍簷獨鳥轉積雨衆
芳深中散琴為侶山公酒是心欲騎黃鶴去萬
里孰能尋

秋日懷西石王憲副

塞上同遊處經秋不見君酒杯誰共把書札曠
相聞木落陰山雨沙昏瀚海雲干戈仍未息一
倍惜離群

春日再登雞鳴山

去歲寒仍夜今來春且晴再登諳道路高眺轉
分明斥堠通沙磧山川擁 帝京祇憐征戰後
不聽有雞鳴

送郭參將振赴淮陽總戎二首

分閩向南州王程不可留九邊名已著三楚戰

應休蓬斷狼山野烟昏蜃海樓平生許國志把酒看吳鉤

推轂權方重隴西名素高樽前歌杖屨海上望旌旄未戰謀先定臨時氣自豪威聲已飛去白日靜波濤

過楊伯起墓

予亦關西裔長年仰素轂之官過古墓採藻薦先生華岳開平野桃林有故城如何千載後獨以四知名

環縣早行

胡虜平無日滄江未擬還燈前梳白髮馬上夢青山薄曙群峰外殘星杳靄間雞鳴問何處已過古蕭關

題龍門圖送溫侍御還朝

隆慶元年

疊浪下危岑誰言禹鑿深群龍鬪白日客子發孤吟怒損山川氣愁闕天地心憑君為砥柱到海萬波沉

山中見野菊

是處秋能到。山寒菊亦開。香偏疑磻壑。根故遠
池臺。不入神農譜。翻令田父猜。陶家三徑裏。憶
爾賦歸來。

永壽道中

不知山縣處。忽聽午時雞。城郭到方見。烟雲看
漸低。人疑勾漏令。地即武陵溪。正是花開日。香
風趁馬蹄。

出塞

一望祁連北。沙黃晝不分。沿山皆漢幟。隔水是

胡群。風勁霜鷗入。磧寒野兕聞。髑髏啼白日。猶
似怨將軍。

蕭關北作

塞路山難斷。天愁雲不開。遙驚戍火起。數見羽
書來。周室朔方郡。唐家靈武臺。客心正多感。羞
笛暮堪哀。

宿瓦雲驛

蕭條來野館。秋草正淒淒。復此聞風雨。兼之厭
鼓鼙。經年堦樹老。入夜怪禽啼。獨坐生歸思。田

不家言和
卷三
五
園渤海西

憶老母

吾母八旬外其如遊子情正宜憐短日猶自戀
浮名馬為看雲駐詩因陟屺成誰云須祿養江
海有袁閔

雪霽遊天界寺

滿寺皆山色房房帶薜蘿松篁寧厭密鐘磬翻
嫌多樓壓雲邊樹池通江上波諸天新霽雪乘
月更宜過

齋宿對雪同王雲澤侍郎

在南戶部

江國欣逢雪飄飄渡石城
叢篁敲欲碎粉署眼
偏明共慰祈年意仍高作賦情
不知剡水曲誰
棹夜舟行

謁孝陵

未曉謁松楸儼如拜冕旒
千山環閔室一劍定
神州王氣深鍾阜天威肅暮秋
登高望不極日
夜大江流

題武進楊鷺山寫真障子其子為錦衣

早歲遊江縣。常時憶太湖。草玄亭在否。松月夜
仍孤。未遂雲龍志。空留冰鶴圖。傳家欣有子。名
列執金吾。

宿回龍觀

沙際開瑤館。鑿輿幾度過。日迴雙闕迥。雲傍
九陵多。承露空仙掌。沿階自綠蘿。夜深清吹發。
猶憶舊鳴珂。

遊大慧寺同李行人熹任計部鎧羅廷評

節汪山人淵賦寺在京城西

花垂蘿洞口。樹滿碧雲層。對境疑為夢。前身恐
是僧。樓臺依北闕。經論有南能。却恨相過晚。登
臨意不勝。

同舒司寇登城西真如寺塔

寶塔共登臨。遐觀遂此心。海山開萬里。烟靄淨
千林。鳳闕瞻逾近。龍宮視轉深。謾言離色界。花
雨惹衣襟。

同朱金庭僚長扈蹕宿甕山寺

野寺臨寒渚。僧房依暮山。不因扈仙蹕。那得叩

存家詩和 卷三
禪關朗月旌旗近。嚴更鐘梵閑。况同朱仲晦。高
論碧雲間。

夏日送王學博之穎

魯南即是楚。誰謂客程遙。赤日時方急。青氈興
自饒。花開三戶地。門對七星橋。歐子讀書所。西
湖跡未銷。

謁長陵

勲業仰重華。園陵是帝家。山高逼象緯。地險
鎮龍沙。風雨諸靈謁。松杉萬壑賒。為埋弓劍處。

五色見雲霞

飲谷司馬荷花池

不到瀟溪上。誰知花正開。清臨明月浦。美映九
蓮臺。過雨看逾好。無風香亦來。眷茲君子德。日
暮更嚙杯。月浦蓮臺邑中景

過井陘淮陰侯祠

將軍破趙處。顏廟依荒山。伏臘幾人往。旌旗到
死關。碑橫秋澗草。路入土門關。過客空詞賦。干
戈有愧顏。

韓祠斷碑獲鹿志中為八景之一祠在土門
左即井陘口也碑多宋元及我朝諸公詩
皆辨其事漢之心迹悲其烏盡弓藏似非趙
地語况信之伐趙殺戮必多在趙人不宜立
祠宜碑之殘斷如此志列之景尤無謂漫跋
此于小詩後

過靈石淮陰侯祠

俗云傳首處

一廟荒如此曾登上將壇功高能蓋世名重不
辭官題夜巖嘯薜蘿秋徑寒全身魚報主惆

悵古來難

臨城逢賈少尹

正明曾任海豐簿

下邑均田日高才衆所推豈期淮泗上復見鳳
鸞姿海運終難講河漕要衆思君家三策在定
不負明時

屋成

一屋營方罷倏焉到夏初正堪蔽風雨亦足貯
琴書綠樹當門合閒心與世疎久無羊仲過徑
草不須鋤

送無名道人還樓子莊 在濱州

滿地寒雲色悲君欲遠遊何方非夢境隨處有
丹丘漢島孤烟暝秦臺萬木秋他年道成印鶴
駕再來不

村中大雪

雪意滿林皋寒深興轉豪尋詩心獨苦訪戴思
多勞雀墮梅枝亞鶴盤松頂高村家門盡掩
壁問香醪

讀道書

焚香草閣裏隱几讀丹書未解壺中秘聊窺物
外虛青林栖雅白鳥綠水躍紅魚文此際無人語雲
消月上初

繁峙縣逢林野橋戶部

秋高山下縣夕照塞邊村以我淹留所聞君慷
慨言輓輪疲內地烽火入關門懷土兼憂國同
傷客裏魂

聞東西之警 寧夏與日本

江湖老淚流二月忽高秋每慮東西亂不知早

晚休雪深狐外嶺。雲黑蜃邊樓。廊廟群公在。應分聖主憂。

過交府遇賢宗中立

王家賢父子。海岱有高名。今日神仙第。古時曲阜城。吟詩唐李賀。講德魯諸生。醴酒相逢後。懷君益劇情。

不遇賢宗務老詩以言情

未須承面語。從古有神交。禮樂河間在。詩篇太白豪。南山與壽並。北斗自名高。贈我無他物。王

祥一佩乃

鄒縣謁孟子廟

濟溺微言在。論功並禹堪。經過瞻廟貌。氣象尚巖巖。泗水宮墻北。嶧山城郭南。祇因能直養。萬木與天參。

苦雨自朝

南都作

一雨動經旬。苔衣透舍新。豈堪卑濕地。况是倦游人。吏散官疑客。厨空桂視薪。司農難自計。白下萬家貧。

讀高冲窅月下為雪山壽母詩賦此兼有厚望以有山林語也

雪月兩清竒更吟絕妙詩全無烟火氣雅有五
冰姿堂上增華髮塔前映壽卮仍當圖大孝千
載盛明時

再登黃臺

古臺重眺覽日色帶沙黃雨水三春少風烟萬
里長時時防寇盜處處罷耕桑老淚不須墮經
綸有廟堂時有備倭之議

送董喜山任壽州督農判官

喜汝新承命督農濠上原下帷曾憤志佐郡自
多恩淮水雲生座公山樹到門循行春正暮花
滿楚人村

宿小山望海寺

岩頭燈火起幾處見僧房蘿薜昏初夜星河滿
上方人歸山店遠磬入海天長明日正東望蓬
萊接混茫

寄四明張公子

存家言和 卷三
翩翩美公子。早歲即升堂。探韻過南史。為園似
辟疆。越中江路遠。濟上海天長。會面無由得。裁
詩作報章。

虜後經小石寺

桑乾河畔寺。門對戰場開。亂後僧多去。雨中客
獨來。霜笳連磬院。野燒到經臺。無計平胡虜。塵
心空自哀。

雪後見樹淞二首

俗名樹掛

未到春風裏。忽驚樹樹花。寒光凝澗壑。野氣亂

烟霞。遠路歸樵子。何枝棲暮鴉。佇看消曙色。錯
認是瑤華。

開門看霽雪。似霧復如花。自訝非玄圃。何緣得
素霞。占年知大有。施食到饑鴉。為愛千林色。渾
忘兩鬢華。

訓紀山見寄韻

別離二十載。書到見交情。始信山居好。益憐詩
韻清。花開宋玉宅。雲抱楚王城。何處思君切。秋
高古北平。

戊戌冬日送王醫北遊

京國別多日。故鄉重會時。青囊術益妙。白社許
相隨。鯨海波濤在人寰。歲月馳那堪。又北去。風
雲正離離。

夢遊異境詩以紀之 萬曆己亥秋

天地有靈境。却於夢裏遊。人家皆古朴。風氣絕
溫柔。不辨林中草。遙瞻雲外樓。覺來嘆塵世。落
木忽驚秋。

曹學憲書齋談詩次孟方伯韻

先生非我輩。官况似閒居。有俸全供客。無時不
著書。檻雲和竹冷。樓月照琴虛。大雅詩成後。浮
榮想未如。

贈滿上人

滿老居何寺。清幽信水南。一心傳四祖。大藏閱
多函。房許詩人住。道於靜者談。晚來習禪寂。雙
樹映苔龕。

送劉廣文

君有穀梁學。中含涇渭明。一官知晚節。十艇誨

諸生雲淡滄浪野秋高曲阜城傳經多令子海岱仰芳聲

送譚廣文西歸

官舍連秦島生徒盡魯儒如何捨此去為憶子雲居戶外清流滿窓中古木疎知君精化理應著景昇書

